




BAB 7:

PROFIL GRADUAN DIPLOMA YANG BELUM BEKERJA 2007

BAB 7


PROFIL GRADUAN DIPLOMA YANG BELUM BEKERJA 2007

7.0 Pendahuluan

Bahagian ini memaparkan analisis tentang graduan Diploma 2007 yang belum bekerja. Antara maklumat yang diperhalusi ialah profil graduan yang belum bekerja termasuklah pencapaian akademik, pendapatan keluarga dan sebab belum bekerja, penggunaan perkhidmatan bimbingan dan kaunseling, kemahiran yang ingin diikuti oleh graduan, temu duga yang pernah dihadiri dan sektor pekerjaan yang dipilih mengikut keutamaan. Secara keseluruhannya, seramai 8,256 graduan Diploma yang memberi respons dalam kategori belum bekerja menjelang konvokesyen. Daripada jumlah ini, seramai 4,167 ialah graduan Politeknik, 2,700 graduan IPTA dan 1,389 graduan IPTS.

7.1 Sebab-Sebab Graduan Diploma 2007 Belum Bekerja


Lebih 80 peratus graduan yang belum bekerja memaklumkan mereka sedang mencari pekerjaan. Terdapat juga sebahagian kecil graduan yang menyatakan sebab-sebab lain seperti pekerjaan yang ditawarkan tidak sesuai (3.1%), tanggungjawab terhadap keluarga (2.9%), kurang keyakinan diri (1.6%), memilih untuk tidak bekerja (1.2%) dan tidak minat untuk bekerja (0.8%). Analisis mengikut kategori IPT menunjukkan 80.1 peratus graduan IPTA yang belum bekerja menyatakan mereka sedang mencari pekerjaan. Begitu juga bagi graduan IPTS (83.9%) dan Politeknik (89.2%) memaklumkan sebab yang sama (Jadual 7.1 dan Rajah 7.1).



Rajah 7.1: Sebab-Sebab Keseluruhan Graduan Diploma Belum Bekerja, 2007.

7.2 Bidang Pengajian Utama Graduan Diploma 2007 yang Belum Bekerja

Secara keseluruhannya graduan dalam dua bidang pengajian utama iaitu Teknikal (43.5%) dan Sastera & Sains Sosial (43.4%) mencatatkan peratusan yang hampir sama bagi kategori belum bekerja. Manakala hanya 13 peratus sahaja graduan dalam bidang Teknologi Maklumat & Komunikasi dan Sains termasuk dalam kategori ini. Bagi IPTA dan IPTS, graduan dalam bidang Sastera & Sains Sosial mencatatkan peratusan tertinggi (lebih 50%) bagi kategori belum bekerja, ini diikuti oleh lulusan dalam bidang Teknikal. Sebaliknya bagi graduan Politeknik yang belum bekerja, sebanyak 57.6 peratus adalah terdiri daripada graduan dalam bidang Teknikal dan diikuti oleh graduan Sastera & Sains Sosial iaitu sebanyak 34.4 peratus (Jadual 7.2 dan Rajah 7.2).



Rajah 7.2: Keseluruhan Graduan Diploma yang Belum Bekerja Mengikut Bidang Pengajian Utama, 2007.

7.3 Pencapaian Akademik Graduan Diploma 2007 yang Belum Bekerja

Bagi graduan yang belum bekerja, kumpulan terbesar berada dalam kohort PNGK 3.00-3.49 (40.2%) dan kohort PNGK 2.50-2.99 (37.7%). Namun, terdapat juga graduan dengan PNGK 3.50 dan ke atas yang belum bekerja iaitu sebanyak 11.9 peratus. Corak pencapaian akademik graduan IPTA dan IPTS yang belum bekerja hampir sama, masing-masing mencatatkan peratusan terbesar dalam kohort PNGK 2.50-2.99 iaitu sebanyak 56.4 peratus dan 47.9 peratus. Sebaliknya bagi Politeknik, peratusan tertinggi (58.1%) yang belum bekerja berada dalam kohort PNGK 3.00-3.49 (Jadual 7.3 dan Rajah 7.2).

7.4 Pendapatan Keluarga Graduan Diploma 2007 yang Belum Bekerja

Dari sudut sosio ekonomi, lebih 50 peratus graduan yang belum bekerja terdiri daripada keluarga yang berpendapatan kurang daripada RM1001 sebulan, diikuti dengan pendapatan keluarga RM1001- RM2000 (18.2%). Peratusan graduan IPTA, IPTS dan Politeknik tidak menunjukkan corak yang begitu berbeza kerana kebanyakannya (lebih 40%) dalam kumpulan pendapatan keluarga yang kurang daripada RM1001 (Jadual 7.4).

7.5 Penggunaan Perkhidmatan Bimbingan dan Kaunseling Graduan Diploma 2007 yang Belum Bekerja

Sebahagian besar, iaitu 77.4 peratus graduan Diploma yang belum bekerja memaklumkan tidak pernah menggunakan perkhidmatan kaunseling dan kerjaya sepanjang pengajian mereka di IPT. Penggunaan perkhidmatan di Unit / Pusat Kaunseling & Kerjaya bagi

graduan IPTA dan IPTS yang belum bekerja menunjukkan peratusan yang hampir sama iaitu sekitar 26 peratus, manakala bagi graduan Politeknik peratusannya lebih rendah iaitu 18.5 peratus (Jadual 7.5).

7.6 Program Latihan Tambahan yang diperlukan oleh Graduan Diploma 2007 yang Belum Bekerja

Responden juga ditanya tentang program latihan tambahan yang diperlukan bagi membantu meningkat kemahiran diri seperti kemahiran Interpersonal, bahasa Inggeris, ICT, keusahawanan dan pembangunan kerjaya. Respons yang diterima daripada graduan yang belum bekerja, kemahiran berbahasa Inggeris menjadi pilihan utama mereka dengan lebih 60 peratus memilih program ini. Ini diikuti oleh program pembangunan kerjaya dan kemahiran ICT. Ketiga-tiga kategori IPT juga mencatatkan peratusan tertinggi memilih untuk mengikuti program kemahiran berbahasa Inggeris. Program seterusnya yang ingin diikuti graduan IPTA ialah program kemahiran Interpersonal, manakala graduan IPTS memilih program pembangunan kerjaya dan graduan Politeknik pula memilih program kemahiran ICT (Jadual 7.6).

7.7 Kekerapan Graduan Diploma 2007 yang Belum Bekerja Menghadiri Temu Duga

Bagi graduan Diploma yang belum bekerja, sebahagian besar iaitu 73.5 peratus menyatakan pernah menghadiri temu duga dan 26.5 peratus menyatakan sebaliknya (Jadual 7.7). Graduan Politeknik mencatatkan bilangan lebih tinggi pernah menghadiri temu duga, diikuti IPTA dan IPTS. Dari segi kekerapan menghadiri temu duga, majoriti (91.9%) graduan pernah ditemu duga kurang daripada lima kali manakala hanya kira-kira 1 peratus graduan pernah menghadirinya lebih daripada 10 kali. Corak kekerapan menghadiri temu duga graduan IPTA, IPTS dan Politeknik sama seperti corak keseluruhan, iaitu 92.9 peratus graduan IPTA pernah ditemu duga kurang daripada lima kali dan bagi IPTS dan Politeknik masing-masing sebanyak 90.7 peratus dan 91.7 peratus (Jadual 7.8).

7.8 Sektor Pekerjaan Pilihan Graduan Diploma 2007 yang Belum Bekerja

Dari sudut pemilihan sektor pekerjaan mengikut keutamaan graduan yang belum bekerja, sektor pilihan pertama mereka ialah sektor kerajaan (59%). Sektor pekerjaan pilihan yang kedua ialah badan berkanun (37.7%), seterusnya pilihan ketiga kebanyakan graduan memilih sektor swasta iaitu swasta multinasional /asing (29.6 %) dan swasta tempatan (27.6%). Manakala bekerja sendiri/keusahawanan menjadi pilihan terakhir (36.2%) (Jadual 7.9).

JADUAL BAB 7 : PROFIL GRADUAN DIPLOMA YANG BELUM BEKERJA 2007

Jadual 7.1: Sebab-Sebab Graduan Diploma Belum Bekerja, IPT 2007.

Sebab Utama Belum Bekerja	IPTA		IPTS		POLITEKNIK		JUMLAH	
	Bil.	%	Bil.	%	Bil.	%	Bil.	%
Sedang mencari pekerjaan	2,162	80.1	1,165	83.9	3,717	89.2	7,044	85.3
Kerja yang ditawarkan tidak sesuai	84	3.1	54	3.9	117	2.8	255	3.1
Tanggungjawab terhadap keluarga	104	3.9	49	3.5	89	2.1	242	2.9
Kurang keyakinan diri untuk memasuki dunia pekerjaan	77	2.9	24	1.7	30	0.7	131	1.6
Memilih untuk tidak bekerja	45	1.7	19	1.4	36	0.9	100	1.2
Tidak berminat untuk bekerja	34	1.3	14	1.0	20	0.5	68	0.8
Lain-lain	194	7.2	64	4.6	158	3.8	416	5.0
JUMLAH	2,700	100	1,389	100	4,167	100	8,256	100

Jadual 7.2: Graduan Diploma yang Belum Bekerja Mengikut Bidang Pengajian Utama, IPT 2007.

Bidang Pengajian Utama	IPTA		IPTS		POLITEKNIK		JUMLAH	
	Bil.	%	Bil.	%	Bil.	%	Bil.	%
Sastera & Sains Sosial	1,360	50.4	785	56.5	1,435	34.4	3,580	43.4
Sains	311	11.5	48	3.5	35	0.8	394	4.8
Teknikal	823	30.5	368	26.5	2,399	57.6	3,590	43.5
Teknologi Maklumat & Komunikasi	206	7.6	188	13.5	298	7.2	692	8.4
JUMLAH	2,700	100	1,389	100	4,167	100	8,256	100

Jadual 7.3: Graduan Diploma yang Belum Bekerja Mengikut Pencapaian Akademik, IPT 2007.

Pencapaian Akademik	IPTA		IPTS		POLITEKNIK		JUMLAH	
	Bil.	%	Bil.	%	Bil.	%	Bil.	%
LULUS	-	-	32	2.3	2	0.04	34	0.4
2.00 - 2.49	491	18.2	285	20.5	28	0.7	804	9.7
2.50 - 2.99	1,523	56.4	666	47.9	923	22.2	3,112	37.7
3.00 - 3.49	587	21.7	314	22.6	2,422	58.1	3,323	40.2
3.50 - 3.69	74	2.7	43	3.1	619	14.9	736	8.9
3.70 - 4.00	25	0.9	49	3.5	173	4.2	247	3.0
JUMLAH	2,700	100	1,389	100	4,167	100	8,256	100

Jadual 7.4: Graduan Diploma yang Belum Bekerja Mengikut Pendapatan Keluarga, IPT 2007.

Pendapatan Keluarga	IPTA		IPTS		POLITEKNIK		JUMLAH	
	Bil.	%	Bil.	%	Bil.	%	Bil.	%
RM 500 ke bawah	495	18.3	186	13.4	831	19.9	1,512	18.3
RM 501 – RM 1000	923	34.2	442	31.8	1,687	40.5	3,052	37.0
RM 1001 – RM 1500	515	19.1	264	19.0	724	17.4	1,503	18.2
RM 1501 – RM 2000	303	11.2	159	11.4	393	9.4	855	10.4
RM 2001 – RM 2500	156	5.8	116	8.4	203	4.9	475	5.8
RM 2501 – RM 3000	143	5.3	88	6.3	152	3.6	383	4.6
RM 3001 – RM 5000	104	3.9	88	6.3	131	3.1	323	3.9
RM 5001 dan ke atas	61	2.3	46	3.3	46	1.1	153	1.9
JUMLAH	2,700	100	1,389	100	4,167	100	8,256	100

Jadual 7.5: Graduan Diploma Belum Bekerja yang Menggunakan Perkhidmatan Bimbingan & Kaunseling, IPT 2007.

Pernakah menggunakan perkhidmatan yang disediakan di Unit / Pusat Kaunseling & Kerjaya	IPTA		IPTS		POLITEKNIK		JUMLAH	
	Bil .	%	Bil .	%	Bil .	%	Bil .	%
Ya	734	27.2	359	25.8	772	18.5	1,865	22.6
Tidak	1,966	72.8	1,030	74.2	3,395	81.5	6,391	77.4
JUMLAH	2,700	100	1,389	100	4,167	100	8,256	100

Jadual 7.6: Program Latihan Tambahan Pilihan Graduan Diploma yang Belum Bekerja, IPT 2007.

Program Latihan Tambahan	IPTA		IPTS		POLITEKNIK	
	Bil .	%	Bil .	%	Bil .	%
Kemahiran Interpersonal	1,278	56.1	579	49.1	1,798	51.0
Kemahiran Berbahasa Inggeris	1,745	76.6	900	76.3	3,003	85.2
Kemahiran ICT	1,238	54.3	675	57.2	2,183	61.9
Latihan Keusahawanan	1,237	54.3	617	52.3	1,575	44.7
Pembangunan Kerjaya	1,272	55.8	729	61.8	1,954	55.4

Jadual 7.7: Graduan Diploma Belum Bekerja yang Menghadiri Temu Duga, IPT 2007.

Pernah Hadiri Temu duga?	IPTA		IPTS		POLITEKNIK		JUMLAH	
	Bil .	%	Bil .	%	Bil .	%	Bil .	%
Ya	1,753	66.9	968	71.4	3,222	78.4	5,943	73.5
Tidak	868	33.1	388	28.6	889	21.6	2,145	26.5
JUMLAH	2,621	100	1,356	100	4,111	100	8,088	100

Jadual 7.8: Kekerapan Graduan Diploma yang Belum Bekerja Menghadiri Temu Duga, IPT 2007.

Kekerapan Menghadiri Temu duga	IPTA		IPTS		POLITEKNIK		JUMLAH	
	Bil.	%	Bil.	%	Bil.	%	Bil.	%
Bawah 5 kali	1,628	92.9	878	90.7	2,953	91.7	5,459	91.9
6-10 kali	104	5.9	78	8.1	226	7.0	408	6.9
11-15 kali	16	0.9	9	0.9	26	0.8	51	0.9
16-20 kali	3	0.2	2	0.2	8	0.2	13	0.2
21 kali dan ke atas	2	0.1	1	0.1	9	0.3	12	0.2
JUMLAH	1,753	100	968	100	3,222	100	5,943	100

Jadual 7.9: Sektor Pekerjaan Pilihan Mengikut Keutamaan bagi Graduan Diploma yang Belum Bekerja 2007.

Sektor Pekerjaan	Pilihan Mengikut Keutamaan										JUMLAH	
	1		2		3		4		5			
	Bil.	%	Bil.	%	Bil.	%	Bil.	%	Bil.	%	Bil.	%
Kerajaan	4,867	59.0	652	7.9	411	5.0	467	5.7	1,691	20.5	8,088	100
Badan Berkanun	484	5.9	3,112	37.7	1,724	20.9	1,982	24.0	786	9.5	8,088	100
Swasta Multinasional/ Asing	536	6.5	2,266	27.4	2,442	29.6	2,327	28.2	517	6.3	8,088	100
Swasta Tempatan	908	11.0	995	12.1	2,280	27.6	1,799	21.8	2,106	25.5	8,088	100
Bekerja Sendiri/ Keusahawanan	1,292	15.6	1,063	12.9	1,231	14.9	1,515	18.4	2,987	36.2	8,088	100